

نومرو : ۸۵

اداره خانه

ایستانبول . جمال اوغلنده  
دائرة اجتهادده

“ Idjtihad ” Constantinople

دوردنجی سنه

# اجتهاد

۱۹ کانون اول ۱۳۲۹

آبونه

حریت فکریه یه خادم

پنجشنبه کونلری حیقار اجتماعی، ادبی مجموعه

مدیر مرخص : الہامی صفا

سنه لك آلتی آیلای

تورکیا ایچین ۵۴ غروش ۲۰ غروش  
ممالک اجنبیه ایچین ۱۵ فرانق ۸ فرانق

نسخه سی ۵۰ یارم



برادعانا مه اوقو بور . اثر ك بر قسمنی اوقو دیغمز وقت تو یلرمز اور پردی . كندمزی دانسونك اعدامنی شتوی قرارى اوقویان اختلال حاكمك حضورنده ظن ایتدك ورعشه ناك اولدق .

بوماضی افلاس دفتزدن صكره دولتمزك تكرار قورولمى ، اسباب مدافعه سى ، انقلاب قانونى ، انقلاب ادارى ، تربیه و معارف مسئله لری كتابك مهم بر قسمنی اشغال ایدیور . بوندری اوقویوبده صیقلنامق ، متأثر اولماق قابل دكلدر . محاربه مصائب اوزرینه مع التأسف هیچ بر بی طرف اثر یازمادی . مغلوب قوماندانلرك نشر ایتدكلى آثار هذیان قیلمنددر . ایشه بونك ایچوندرله بوايكنجی قسمنك اهمیت حیاتیه سى بغایت بیوكدر . تاریخ استقبالك مسائل سیاسیه قسمنی نوعا مقدرات تاریخیه نك مابعدیدر . فلاكتلر اوزرینه بوقادار متأثر اولان وتأثرینی محاكات جدیه ایله نظر كاهملته كوسترن كیمسه بزده همان یوق كیددر . جلال نوری بك جهله . تعصبه ، تصافه ، نادانیه قارشى بی امان بر حرب آچيور و سلیمان نظیف بك بوائر حقنده شوسوزلری بحق سویلیور : « سلطان حمید ثانینك سیات اداره سنه كیم ویا كیملر ختام ویرمك شرفنی اجراز ایتش ایشه ایتسین ، بزده اوندن وهر كسندن دما مضر و مخرب بر مستبد اولان شهنشاہ تعصبك تحتی زیر وزیر ایتك ایچون اك اول عزم و جلادته اوزانان یدهمت ، سنك - بوسه كاه استقبال لائق - اللركدر . » تاریخ استقبال جناب شهاب الدین بكك ینه جلال نوری بكك براثری حقنده سویلیدیكى كبی آجی . فقط نافع بر علاج كبی هر كون بر آرز اوقونملی وازیر ایدلمیدر .

م . نابجی

### مدنی عرقلر

عصر مزك برنجی صنف مدنی عرفلری •  
تلخیص اوصافی - اختراصات جهانگیرانه لری

— انكلمبر عرقی —

قانون مجادله حیاتك كاشفی اولان بو عروق مددهشك

مقدمه سى واردركه شعر اعتباریله پك زیاده حائر قیمتددر . جدی اثرلك باشنه خیالی كریزكاهلر درجی پك معتاد دكل ایشه خوش اولدیغی ایچون موجب ممنونیتددر . جلال نوری بك بو برنجی رؤیاده مصره كیدیور ؛ ايكنجی جذبیه سنده روم ایلیه سیاحت ایدیور ؛ اوچونجی خولیاسنده تاهنده قدر سیاحت خیالیه اجر ایدیور . اثری اوقویانلر ابتدا بوراده بر پارلاقلق كوریورلر . بیوك بر اهمیت شعریه سى اولان بو مقدمات خیله نك اینجه لیكى ، ظرافتی . نكته لره ممتزج فلسفه سى اعظم شعرا مزدن بر چوغنك نظر دقتی جلب ایتش ، حتی استاد مكرم رجائی زاده اكرم بك اقدی بویله بیوك بر قابلیت شعریه سى اولدیغی حالده مورخ استقبالك ایچون موزون سوز سویلیدیكنی استفسار ایتشددر .

تاریخ استقبال ! عنواندهده بر غرابت و ظرافت وار دكلی ؟ فرانسر آفاده میسی اعضای بنامندن هئزى لاودان دیوركه : مادام ده ژانك اسمی بیله بر بیوك ( تروواى ) در . بز بو سوزی جلال نوری بكك تاریخ استقبالی ایچون تكرار ایده یلیوز .

ایكنجی قسمنی بوراده اوزون اوزادییه تنقید ایده جك دكلز . زیرا « اجتهاد » بولتیقه غریبه سى اولمیدیغندن صدی تجاوز ایتش اولوروز . بو اثرده مؤلف ترك ملتك متردی اولوب اولمیدیغی مسئله تاریخیدور و حیة سنى بعدالتدقیق وطن فلاكت دیده مزك ایكى تقسیمندن بحث ایدیور . اتحاد و ترقی قرقه سنك تاریخ ماضی و استقبالی مسئله سیاسیهده بر چوق فصلی اشغال و احتوا ایتكدهدر . جلال نوری بك بر مؤرخ نقطه نظرندن تنقیداته كیریشهرك فكر وامل و غایه و مطلب اعتباریله جمعیت مذکور دنی اعلا ، فقط اجراءات اعتباریك مؤاخذه ایتكدهدر .

اسكى پاشالردن سعید ، كامل ، غازی احمد مختار و ناظم پاشالر ایله غابریله نورادونکیان افندی اثرده موضوع بحث اولمش در . براختلال محكمه سى مدعى عمومیسى كبی جلال نوری بك انقاض ماضی حقنده سرت . شدتلی زهرلی ، آتشلی



بر موقع بلند ، بر حکمرانی عالمشمول تأمین مدار اولدی ..  
لسانی ده طبع مستثنی سنک آینه مصفی سی در :  
باشقهریله جهان ( هکمونیا ) سی اوغورینه یوغوشمق ،  
دیدیشمک ایچون ا کلاماً مسلح ، چالاک و عجول انسانلره  
خاص ، معین ، پر قدرت ، زنکین برلسان ...

انکلتزه بوکون ( ۳۸۳ ) میلیون نفوس بشرله ( ۳۰ )  
میلیون کیلومتره سر یعنی حاوی معظم بر ایمپراطورلغ  
صاحبی در . سطحده سام روزکارلرینک وزان مطردیله  
عزم واراده یی اویشدیران ، مسترخىء لك حارده ده ، ذاتاً  
باشلی باشنه بر ایمپراطورلق اولان ( هندستان ) کبی جهانک  
اک زنکین بر مستعمره سی ... برودتیه فعالیتی ایقاپ ایدن  
ممالک معتدله ده ( آستریا ) ، ( آفریقای جنوبی ) ،  
( قانادا ) : بودینچ ، کنج ، توانا ( آنغلو - ساقسون )  
اوغلاری کومه لری ایله مسکون اوچ اکل مستملکة اسکان ..  
اطراف اربعه کړده داغنیق بر آلاى مالکانه لر ، نقاط  
سوق الجیشیه ، کومورده پولری ... شمالی بحر محیط اطلاسی  
صیق صیقیه تحت نظارتده ... بحرسفیدغربده ، مرکړده ،  
شرقرده ثابت و سیارچلیک جنبرلر ایچنده ... بحر احمر انکی  
اوجندن طوتولمش ... بحر محیط هندی آرتق بر انکلیز  
کولندن باشقه برشی دکل ...

( جبر الطارق ) ، ( مالطه ) ، ( سویش ) ، ( عدن ) ،  
( سینغاپور ) ، ( هونغ كونغ ) ، ( قاپ ) ، حتی ( هورن  
برونی ) ، ( پاناما ) کچیدلری ، بتون نقاط مهمه کړه ارض  
اونک زرهلی پنجه لینه مطاع و منقاد ... !

( ۳۰ ) بیک یلکنلی ، ( ۱۲ ) بیک بخارلی سفینه ، ( ۲۰۰ )  
بیک کیمچی ( متره پول - آناوطن ) دن مستملکاته لاینقطع  
میکک طوقویورلر ! ! محصولات معمولیه ای اخراج ،  
مواد غذائیه ایله خام اشیایی ادخال ایدیورلر .. سرمایه لری  
بتون جهانی احاطه ایدن انحصاره ، اک محصولات تشبثات  
تجاریه و صناعیه آتیلورلر ...

کړه ارضی ( ۹ ) بحریه استاسیوننه تقسیم ایتش  
دهاش و قهار بر ( حربیه بحریه ) بتون عمانلره ناظر

سجیه سی - آغر ، راطب بر هوادن ؛ اورمانلر ،  
بطاقلقلره مستور اوله مق ایچون لاینقطع تفجیره محتاج  
برارضپاره دن مشکل - بر اقلیمک ، بر ( محیط طبیعی  
Milieu physique ) نک یدفاطریله تربیه و اعمال  
یلشدن ...

باشلیجه اتدن عبارت بول بر غذا ، منبه و مقوی  
ایچکلیک کثرت استعمالی ، دروننده ( عائله - اوجاق )  
مذهبک آیین صمدانی سی اجرا اولشان مفرح ، قوللانیشلی ،  
محکم ، ساده ظریف بر مسکنک انشاسی طبیعت خارجیه نک  
ابداع ایتدیروب انکشاف ایتدیردیکی احتیاجات و سوائق  
طبیعیه دن درلر ... وایشته ینه او طبیعت خارجیه در کهر درلو  
اشکالی تختند - سپور شکنده بیله - انکلیز کبی حرکت ،  
بدل توانه ، بصیرت و دوراندیشی به اجبار ایتشدن ...

قطبیلر قدر طونوق بر اعتدال دم و بطائت احتساس ،  
غرائیت قیالری قدر متین بر قوه عزم واراده ، چلیکله  
رشک آور بر تغند وعدم تأثر انکلیزک مزاج و خصلتک ،  
السنه جهانده دائر ، علامات میزه سی اولشدن ...

بتون ملی معارف ، تعلیم و تربیه ، و سر ایا حیات اجتماعی  
عینی غایه امله ، عینی مفکوره یه طوغری یورویورلر :

( فردک مجال و قدرتک انبساطی ! )

( انکلیز مکتب ) نک هدفی چو جقدن مایه سی دائماً  
معمود و مزهر بر ( صحت ) ایله هر شیئه قادر و مبدع بر  
( اولیت فردیه ) دن یوغورولمش ، مادتا و معنأ ملیح  
و بدیع بر ( مخلوق ذی حیات ) اعمالی در !! ..

انکلیز ( کندی کندیندن یتشمش ، نفسک عونیه  
مجادله حیات دم موفق اولمش ) اولمیانده ذره قدر اهمیت ویرمز !!  
تخیلی و تحسسی غایت بطی ، منفعتی ایچون بی رحم ،  
خودکام ، ایش آدمی ، عملی انکلیز - ملتجه و فردجه -  
بیک استخفافکار بر عظمت ابراز ایدر .. اونک نواقصی ،  
طاعت شکن مجادلات یماجلرنده او یالادینی بر منبع قدرت  
و توان اولدی .. بریکیلرده اوته کیلر قدر اونا جهانده



وحاکم ... تبعه لره حمایه تأمین، و - ای معلم (قونسول) لره محتاج - امتیازاتی بخش ایدیور ... ارضی شکایتله صاران، دکزلری تحت البحر قطع ایدن تلغراف آعلری انکلتزیه - آوان مهمه بحرانده - حادثات جهانک انحصار استخبارتی تقدیم ایدیور ...

ایشته بومو فقیاتی ایله قباروب حوشان انکلیز عظمی حد و حدود نادر دها بیلمادی ...!

ماضی نك خاطرات احیا کاریله بر دوزیه متیقظ انکلیز رجال حکومتی ایکی کوچوک اطه سکنه سی ایله عظمت ده (رومالیر) ککنه فائق بر ایمراطورلق تأسیسه اوغراشیورلر ...

(دیزرائلی) ایلك دفعه اولارق قرالیجه (ویقتوریا)نی (هندایمراطور بچه سی) عنوانیله بالتویج انکلیز مالکانه لرینک هیئت مجموعه سنه (بیوک بریتانیا) ایمراطورلنی نامنی ویردی ... سور (چارلس دیلق) (الکیوک بریتانیا) دستوری اورطیه قویدی ... (سیله ی) (انکلتزیه نك انبساطی) نام اثرنده انکلیز قومنک علت موجودیتی اونك وظیفه عالمشمول استعماری سیله ایضاح ایتدی! (فراود) (بحر محیط) عنوانی کتانبنده، اولجه (هارینگتن) طرفندن خبر ویریلن، (قیلو) و (هه سیستینگس) طرفندن حاضرلن، خیالندن مشعشع بر حقیقته منقلب اولان (الکواسع بیوک بریتانیا) ایمراطورلنی کوستردی .. (رودیارد کیپلینگ) کرسی ومطبوعات جهانکی لرینک قبا طاسلاغنی چین دکازی اثری - شرقه خاص بر الهام شاعریته - نشیده لرله قوم مفکوره یاپدی ...

(لورد قارزن) هندستانده، سور (آفرده میلنر) مصرده، قاپده، (سه سیل رودوس) آفریقای جنوبی ده - عزم و اراده سنك نمایشات متعظمانه سیله جهانی حیرتله القا ایدن، خارق العاده بر شیمه تعقیله مطرداً ایلرله ی - بوغنود و متبصر (ایمپریالیزم) ی نك الك مشهور مرخصلری اولدیلر ...

(چمبرلین) نزد کتلالت ناسده بر روش خشین

الان بو مسلکک نشری تعهد ایتدی ..

(پان بریتانیزم) بتون انکلیز رجال سیاسیه سنك ایلکیرینه قدر نفوذ ایتدی ... اسکی انکلیز ملی شرقیسی: (بریتانیا حکمران اول ...! Pule Britania) هر زماندن زیاده انکلیز وطنپرورلرینک ایمانی، عقده سی اولدی ...!

— آمریقه عرقی —

هرسنه ترانس آتلانتیق سفینه لرینک (نیورق) (بوستون)، (بالتیمور) ریختملرینه بیکرله دوکدوگری مهاجر دینا، لسانا، اصلاً و عرقاً بر لرلندن متخلف درلر ... بونکله برابر بو عناصر مختلفه اصلیتلرنده یکجنس ونوع ایتملر کبی یکدیگرلریله قایناشمشلر، ماورای بحر محیطده، خطوط وجهیه و بدنیله ری سجایای مغنویه لری عینی قالبده بر عرق، بر ملیت تشکیل ایتملر در! وجدان ملی سندن خبردار اولان، نفسنده وطن فکری او یانان ایشته بو خلق آمریقه ن قومی در! متحده آمریکا اراضی بی پایاننک براوچندن او براوچونه قدر ممتد، شدید بر اقلیمک یکشکلکی - آنغلو - ساقسونه پک آز مشابه، هیچ تصلب ایتمین (قرمزی جلدی) دن کاملاً آیری بر انموزج جسمانی ابداع ایتمشدر ... هوای یابس، تحالف درجات حرارت جلدی آغارتمش، میککری تبارز ایتدیرمش، فعالیت عصبیه یی تحریک ایتمش، دیگر اقوامک ککنه فائق بر قابلیت تجملیه حصوله کتیرمشدر ... بوندن ماعدا اشکال طبیعی جغرافیه نك وسعت فوق العاده سی طبیعتک صورته آمریقایی نك روحنی قابلا مشدر .. اوجی بوجاغی اولمایان منبت، خالی بر ساحه فردک غیرته سینه سنی و قتیله کشاد ایتمشدی .. ایشته او فرد بو صورتله هر شیده عظیمی، جسامت غولانه یی ذهنیه هدف ایدندی .. اونک ایچون مقیاس تناسب اوروپایی نك کندن بو سبتون باشقه اولدی :

« دیناده برنجی، الک جسیم! ... »

وصف لری هر مناسبتله ایشیدیلان افادات مونسه دن درلر



علو جناب ابراز ایتشلردر : بتون آمریکا معموره لری  
او متعدد فنی ، انسانیت پرور ، بی مثل و بدل مؤسساتی  
بو ذوات کرامت سخاوتینه مدیوندرلر... اکیال اولونمش  
بو اثر معظمک غرور و هیجانی اکثریا اروپایه قارشی  
غیر لایق بر حقسنز لغه باعث اولیور . کنج ملت حاکمه  
اسکی دنیا یه قارشی بر نظر استخفافله باقیور... اونامدیون  
اولدینی سرمایه علم و عرفانی ، بضاعت تجارتی ، نانکور جه سنه ،  
فراموش ایدیور ...

✽

ثروتیه رغماً بوکون اسکی آری قوغانی اوروپا یکی  
دنیاده کی اوغلارینک تفوقه دوچار اولیور . دهادون سیاست  
جهانه داخل اولان متحده آمریکا بوکون او سیاستک  
برنجی و اهم عناصرندن بری بولونیور .. (۱۰) میلیون  
کیلومتره مربعی اراضیسی (۸۵) میلیونلر زئکین . متشبت ،  
جسور نفوسیه بتون مسائل حاضرده اساسلی بررول  
اویناور .. آمریقای شمالی نک ( هکمونیا ) سنی بلا  
اعتراض قزانیدلر .. قسماً ( کانادا ) ، ( مکسیقا ) دن  
کنیدلرینه برر ( پیک ) یاپیدلر .. یانکی لر ( مونروونه )  
قانونیه اوروپالیتری بر جددن طردی دوشونیورلر ..  
اولجه ( بولی وار ) طرفندن وعظا ایدیلن ( آمریقا اتحاد ) نی  
« لاتین آمریکا آنقلو - ساقسون آمریقالیره » دستوریه  
تفسیر ایدوب وسطی و جنوبی آمریقایی ده کنیدلرینه  
الحاق تصور ایدیورلر .. حمایه قانونلری سلمیه سنده  
صنایع بر شائقه فوق العاده ایله ساحه رقابت اقتصاده  
آتیلدی .. شمعی کنج آمریقایی خارجی مخرجلر  
آرایور . قوت ، غروری تولید ایدز . ( ماق کینهی )  
اصول حمایه سی ( رورودلت ) ک جهانگیرلیکنی طوغوردی .  
بحر محیط کیرک چوره سنی یانکی لر صادرلر ! . ( پاناما )  
قالتی آچیدلر .. شمعی آنقلو - ساقسونلرک الهی  
وظیفه عالمشمولرینه درین بر ایمان متصوفانه ایله ، حس  
عملی منفعتلریله اقصادی غربک فتحنه قوللرینی صیوایورلر ! .

« رقیبسز ، غیر متفوق ، امثالسنز ! .. »  
صفتلری غزت لرک ، ال و دیوار اعلانتک مبدولاً  
سوء استعمال ایتدکاری سرلوحه لردر ..

« بودنیاده ایکنجی درجه ده جسم در ! .. »  
جمله سنی ، حقیق برحس انفعال طویمه دن بوراده  
هیچ بر کیسه تفوه ایده مز ! ..  
ایک مهاجرین اندر بولور متانت صاحب لری  
الان آنقلو - ساقسونلر و اوروپالیلر ایدی .

منازعات دینه دن دولانی عراق مجازات دیدملر ، پولتیقه  
منهم و ملتجی لردن عبارت ایدیلر .. حریتک عاشق شیداسی  
اولان و حر اندیش قهرمانلری بولان بو محترم انساندر  
یکی حکومتلرینک و حیات اجتماعی لری نک اساسلری حریت  
حقیقه اوزرینه قورلدلر .. تشبثات مبدعانه لری نه بر سلسله  
اداری ایله ، نه ده بر مرکزیت ایله تضییق اولوندی ؛  
ونده اعصار دیده منقولات و عنعناتله اشکال ایدلدی ..  
بو وجهله هرشی عزم واراده ، فعل و حرکت قدرتی ایقظ  
ایچون ؛ اختراع ، اجراء ، قرار فکرلری انکشاف ایتدیرمک  
ایچون ، نفسه اعتمادی تحریک ایچون ؛ موفقیتیه ایمان  
ایچون .. اوت هرشی بر اشمشدی ... حتی اودر جهده که :  
امریقه ن ملتی نک اوصاف و خطوط میزه سی شو جمله ده  
ایده ایدیلر بیلادی :

« اک ایلروده یورومک ایچون تخریبی غیر قابل  
برسینکینی یه منضم حدودسنز ، استراحتسنز ، مطرد بر  
سمی کرما کرم .. »

بو اوصافک محاسنه مقابل مساوی سی ده اولاجنی  
بر امر طبیعی در ..

آمریقالینک تفوق مغرورانه سی خود بینلک دن منز  
دکادر .. هر شیدن مقدم عملی ، منفعتجو آمریقایی نک  
[ عشق کسب ] دن ماعدا مفکوره سی ، ده اوطوغریسی ،  
محرکی یوق در .. هیچ بریرده بوقادار آتشله پاره صیادلنی  
ایلری کتوروله مشدر .. بوزنکین همشهریلر ، میلیونلر ،  
میلارده لر بر کره ادخار ثروت دن صکره مبدول بر



بحر محیط کیری بر آمریقن آق دکزینه چویرد جکیر!..  
(هاوای)، (فیلیپین) جزائرینی تحت البحر بر  
قابلو ایله آنا وطنه ربط ایتدیلر.. چین بازار اقتصادنده  
تازی پانی قوپاریورلر!..

(روسیه) ایله (ژاپونیا) آره سنده علاقه دارانه  
بر توسط چین دمیر یوللرینک آرسلان پانی یانکی لره  
تأمین ایتدی!.. اقصای شرق پیاسه سنک انحصارینک  
تقسیمی و (فرانسه)، (آوسترالیا) نک اورالرده یکی  
بحریه موقفلری تأسیسلرینک شدتله منعی ایچون (ژاپونیا)  
ایله ائتلاف ایتدیلر!..

(آنتیل) لرك (آمریکای جنوبی) نک حمایه سندن  
صکره بحر محیط کیرک افندیسی اولیور!.. آوقیانوسلر  
اوزرنده جولان ایتدیریلر جک جهنمی بر در تنوط فیلسنک  
اتمام انشاسیله کیجه و کوندوز اوغراشیورلر!.. آمریقا  
میلیارلری (پاسیفیک) حکمدارلغی (رایت مکوکبه)  
دور ایتمک اوزره!.. (شمس طالع) ایمپراطورلغنه،  
بوی اولچوشمکه لایق بر رقیب مهیب بحر محیط کیره  
داخل اولدی!!

دوقنور ار. رضا رضا

## اقتصادیات ومالیات

### مالیه، صنایع زراعت

رهنه مستقر اعتبار و نورکیه نک ثروت ارضیه سی.  
اموال غیرمقوله ورهنه مستند اعتبار مالی قانونلرینک دکیشمه سی  
تورکیه ده رهن بانقه لرینه یول آجیور. دولتک زراعت بانقه سندن  
باشقا صرف رهنه مستند اعتبار معاملاتی اجرایی مقصدیله ده  
شیمیدن دیگر برطاقم بانقه لر دخی تأسس ایتشد. مثلا  
(Banque de l'epothèque) و (Credit foncier' orient)  
بانقه لری بوقبله ندرلر. فقط (crédit foncier) «  
چوقدن بری تورکیه ده اجرای معامله ایدن وبرمایت عمومیة  
تجاره بی حائر بولنان بانقه لر آره سنده اساس نظامنامه لری  
موجبجه اراضی معاملاتی ایله اشتغال ده حق بولنان بانقه لر دخی  
موجوددر. مثلا: آتیه بانقه سی، روما بانقه سی و شرق  
بانقه سی بوزمره دندر. شبهه یوقدرکه احوال سیاسی ده سکونت

حاصل اولنجه رهن بانقه سی کسادی ایچون مختلف جهتلردن  
طابلر وقوع بوله جی ورهنه مستند اعتبار مالی پک زیاده ترقی  
ایده جکدر.

عثمانلی ایمپراطورانی ثروت ارضیه سنک رهنه مستند اعتبار  
حقنده نصل بر استقبال حاضر لامقده اولدینی تدقیق ایتمک اهمیتلی  
بر مسئله در.

تورکیه نک بیوک بر مملکت اولدینی هرکسه معلومدر. بالکز  
آسیای عثمانیک مساحه سطحیه سی ایکی میلیون کیلو متر  
مربعی تجاوز ایتکده در که آلتایسادن دورت دفعه ده بیوک  
دیمکدر، لاکین بواراضی اوزرنده بیوک صولر، طاشان  
طاغلر، کنیش چوللر و سائر غیر منبت یرلر چوقدر. اصل  
شایان دقت برجهت ده وارسه اوده زراعته الویریشلی اولان  
یرلردن قسم اعظمه هنوز ایشله تیه مه سی و بویوزدن اراضی  
قیمتکده آشانی بر درجه ده بولنسیدر ایشله نیلمکده بولنان  
اراضی واورمانلر. حقنده معلومات- زراعت نظارتک (۱۲۲۶)  
سنه- سنه دائر نشر ایتش اولدینی استاتستیک جدولرنده  
موجوددر. بز، مذکور جدوللری اساس اتخا ایدرک اوراده  
کوستربلن اراضی قیمتتی بوکون بولغارستانده کی اراضینک  
قیمت وسطیه سیله مقایسه ایدوز. بولغارستانده اراضی قیمتی  
آور، پایه نسبة هنوز پک آشاید. فقط بوفیئاتلرله تورکیه ده  
پک چوق اراضی صاتون آلتیه سیله جکنده شبهه یوقدر.

بز بوراده. تورکیه احوال اقتصادیه سنک بر صورت  
طبیعه ده انکشاف ایده جکی زمان وقوع بوله جی اولان احتمالاتدن  
بحث ایدوز. ده صرک سنه لرده خلیجه ترفع ایتش اولان  
اراضی فیثاتک اوزمان پک زیاده آرتنه جفته هیچ شبهه یوقدر.  
اک نهایت مملکتده رهنه مستند اعتبار مالی احدائی ده اراضی  
فیثاتک زیاده شمه سنی موجب اوله جقدر.

بومقصدله تورکیه حقنده شوبله بر حساب یاپه لم:

| نوع اراضی                                        | هکتار حسابیه<br>مساحه سطحیه سی | بولغارستانده بر<br>هکتار اراضینک<br>قیمت وسطیه سی | فرانک حسابیه قیمت<br>مجموعه سی |
|--------------------------------------------------|--------------------------------|---------------------------------------------------|--------------------------------|
| (۱) تارلا                                        | ۶۰۸۴۳۴۴                        | ۵۰۰                                               | ۳۰۴۲۱۷۲۰۰۰                     |
| (۲) میوه، تونون<br>پاموق و سائر<br>زراعتنه مخصوص | ۶۵۷۰۹۲                         | ۱۳۵۰                                              | ۶۸۲۲۰۲۹۳۰                      |
| (۳) باغ، باغچه                                   | ۵۲۹۳۴۸                         | ۱۱۲۰                                              | ۶۰۴۰۶۹۷۶۰                      |
| (۴) اورمان                                       | ۸۸۰۳۷۹۵                        | ۴۰۰                                               | ۳۳۲۱۴۹۴۰۰۰                     |
| یکون                                             | ۱۶۰۸۴۵۸۰                       |                                                   | ۷۶۴۹۹۹۸۲۹۰                     |

بوحساب نتیجه سنده بتون اراضی قیمت مجموعه سنک یدی  
بحقی میلیاری تجاوز ایتدیگی آکلاشیلور.  
یوقاریده ذکر ایدلیدی اوزره بوکون آسیای عثمانیه  
اراضینک قیمت وسطیه سی ده آشاید. فقط دیگر طرفدن